



Legislazione > Costituzione Italiana

Sa Costituzione italiana (sa Carta de Logu de s'istadu italianu), chi est intrada in vigore su primu de ghenàrgiu de su 1948, bi sunt tratadas legislativas chi nos donant inditos pro is limbas de minoria. S'articulu prus de importu est su de ses, chi narat:

Art. 6

“La Repubblica tutela con apposite norme le minoranze linguistiche”

Giai de tando s'istadu reconnoschiat a totu is limbas, peri is de minoria, su deretu a bìvere e a èssere tuteladas. Petzi ca, s'aplicazione de custa lege est bènnida cando medas de is limbas de minoria fiant pro si nche isperdere, in su 1999 cun sa lege n.482 (Norme in materia di tutela delle minoranze linguistiche storiche), agoa de 50 annos.

E puru in antis depiat de bènnere una forma de tutela bidu ca a s'art. 3 bi si narat:

Art. 3

“Tutti i cittadini hanno pari dignità sociale e sono eguali davanti alla legge, senza distinzione di sesso, di razza, di lingua, di religione, di opinioni politiche, di condizioni personali. E' compito della Repubblica rimuovere gli ostacoli di ordine economico e sociale che, limitando di fatto la libertà e l'uguaglianza dei cittadini, impediscono il pieno sviluppo della persona umana e la effettiva partecipazione di tutti i lavoratori all'organizzazione politica, economica e sociale del Paese”.

E imbaros de pesare bi nde teniat medas, ca in medas no allegaiant sa limba ufiziale de s'istadu, s'italianu, ma petzi sa limba issoro (is sardos su sardu, pro nde nàrrere una). Tando is imbaros non nde ddos ant pesados e sa gente de is logos in ue s'allegaiant àteras limbas connotu at una forma de discriminazione meda forte, chi at tassadu sinnos isgorropidos peri in sa cussientzia personale e colletiva issoro. A su nessi in medas si sunt achirrados a s'art. 21, 1° comma, chi narat *“Tutti hanno diritto di manifestare liberamente il proprio pensiero con la parola, lo scritto e ogni altro mezzo di diffusione”*, pro incarrerare una batalla culturale chi nos a giutu imoe a totu sa legislazione de tutela e a is iniciativas culturales acapiadas a sa limba sarda.